



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : RHENISH CHURCH PANG HOK KO MEMORIAL COLLEGE  
**學校名稱** : 禮賢會彭學高紀念中學  
**Name of Play 劇名** : 出口 Exit  
**Script writer 劇作者** : 禮賢會彭學高紀念中學戲劇學會

**Synopsis 故事大綱:**

勞工及勞動事務署，以下簡稱一勞勞署。一直致力改善本地經濟及就業市場，增進勞動人口的福祉，促進工人的職業安全及健康。

今年屬陰年，年初孤星在凶月忌日撞月，此乃天煞大忌。不論迷信與否，這年很多企業及公司倒閉，導致人民生活苦不堪言。

有見及此，勞勞署推出一系列紓困計劃，協助人民就業，復興經濟。署方每天在網上發放一定的「安心放心貼心度身訂造見工服務計劃」名額，讓人民有秩序到訪勞勞署。

今天中午，勞勞署內人來人往，各人想為自己尋覓新的出路。

突然，離岸2000公里的海底火山爆發，引起小型海嘯及多次地震，令很多大廈倒塌，包括勞勞署！

最後，這裏這些尋找出路的人，可否尋找到出口呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序

(燈亮)

職員：忠叔，幾點呀！仲中眼瞓！

忠叔：飯氣攻心阿！何況宜家都有人，我建議你同我一齊瞓添呀！

職員：睬過你啊！同你一齊瞓！

紅姑：先生，呢度係唔係勞勞處呀？先生？

忠叔：乜嘢係撈撈處呀？

紅姑：係勞勞處！

職員：太太，你係唔係搵勞工及勞動事務署？

紅姑：係啊！

(有幾名青年人，韻婷、阿殷、阿淇跑進來)

阿殷：快啲行啦！好多人㗎！

(阿殷撞倒孕婦)

紅姑：哎呀！

阿殷：哎呀！

阿殷：唔好意思。

紅姑：你哋盲㗎？見唔到我係大肚婆呀！撞到我個 BB 點算呀！

阿淇：唔好意思呀！

韻婷：你小心㗎啦，撞到人啦！我哋睇吓有咩工仲好過啦！

阿殷：有冇㗎唔使點做嘢又多錢㗎！

阿淇：大姑，你中六畢業咋！讀書又唔叻！點樣多㗎呀！

阿殷：你好叻咩！你咪同我一樣！仲有呀你成績係最差個！

阿淇：係囉，我真係渣啦，啱啱今年先跑贏咗你咋嘛，上年都係你贏嘅。

阿殷：豈有此理呀！

(阿淇和阿殷打鬧，韻婷阻擋，最後二人再次撞上孕婦)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

紅姑：你哋做咩呀！走開啦！

韻婷：對不起！唔好玩啦，正經㗎啦，搵工啦！

（紅姑也跟著三人到告示版尋找工作）

（豬仔囂張地走進來勞勞處）

豬仔：唔該，睇完未呀？可唔可以借開㗎呀！

阿殷：借開㗎你咪有機會揀徂我哋份工囉。

韻婷：可唔可以分番先後呀？我哋嚟先㗎！

豬仔：我估你哋都係中學畢業㗎啫？

三人：係呀。

豬仔：係就啱啦，唔好阻住我搵工！

三人：點解呀？

豬仔：因為我係大學生囉！而你哋只係低等中！學！生！

阿淇：車！大學生？你咪一樣企喺度搵工！

豬仔：你...

韻婷：哎！唔好嘈啦！唔好嘈啦！

豬仔：你三個死靚妹，人多蝦人少啊？李姑娘——李姑娘：——豬仔，唔好搞事呀！

青年人：豬仔？

豬仔：李姑娘，我講咗好多次，我有叫豬仔好耐喇，我改咗名㗎喇！

阿淇：叫佢豬公啦！

豬仔：你三個同我收聲，我叫 Richard 啊！

（暉暉走勞勞處）

暉暉：李姑娘，Bell Bell 扭計唔肯入嚟，螢螢都氹唔掂佢！

李姑娘：豬仔同暉暉一齊出去，陪佢哋入嚟啦，我幫你哋登記㗎先啦。

豬仔：吓？哦！

暉暉：行啦，豬仔。

豬仔：我叫 Richard 呀！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

（看見暉暉和豬仔離開）

（在門外看到一名身材魁梧的男子，在欺負兩名少女）

細龍哥：死開啦，尤其是係你呀弱智妹！

螢螢：死肥佬，咩料呀你？

暉暉：你做咩蝦女仔呀？

細龍哥：你兩條蛋散想做「架兩」呀？

豬仔：唔得呀？佢兩個係我朋友嚟架。

細龍哥：咁又點呀，唔好阻住呀叔搵食呀！

（細龍哥進入勞勞處）

細龍哥：全部同我手擺頭後面然後跪低！

眾人：死啦！打劫呀！

細龍哥：頭先聽唔到我講咩啲咩？紅姑：你係咪男人嚟啲？

細龍哥：我梗係真男人啦，仲係一個不折不扣嘅男子漢，煨！

紅姑：咁又點呀？我係大肚婆嚟啲！

細龍哥：你唔好扮大肚婆啦，肥婆！

紅姑：我真係大肚婆呀！

螢螢（細聲）：李姑娘，啱啱就係呢個人搞到 bell bell 喊。

李姑娘：你唔好講野呀，宜家打緊劫呀，你哋手擺頭後面然後跪低先啦！

細龍哥：我唔係嚟打劫，我嚟搵工啲。

眾人：車！

細龍哥：不過都係個好提議，如果我搵唔到工，咪打囉！

（眾人慢慢起來）

（突然細龍哥撥開紅姑，走到中間）

細龍哥：你哋知唔知我邊個呀！我大佬係呢區揸 fit 人，大龍哥！我係佢細佬，細龍哥，即係我都係呢區揸 fit 人！

紅姑：咩係呢區的揸 lift 人？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿淇 : 因為佢揸 lift 囉!

李姑娘 : 唔係揸 lift 係揸 fit 人即係黑! 社! 會! ?

細龍哥 : 洗乜講呀!

職員 : 忠叔, 有黑社會呀! 做嘢啦!

(忠叔施施然起來)

忠叔 : 吓、哦。

細龍哥 : 你試下打電話, 手都切埋你。

忠叔 : 吖! 我宜家真係飯氣攻心呀, 嗝! 個頭仲有啲暈。

職員 : 喂, 忠叔... (向細龍哥) 你唔好埋嚟呀!

細龍哥 (細聲): 吖! 職員, 黑社會唔可以搵工啊?

職員 : 可.....以.....啊.....咁...黑社會先生你張籌係幾多號啊?

細龍哥 : 吓? 咩籌呀, 冇嗰, 快啲做野啦....

眾人 : 走啦! 排隊啦!

細龍哥 : 好, 係你哋逼我㗎! 我宜家正式宣佈, 我打劫!

(細龍哥從袋中拿出膠叉)

暉暉 : 吓, 咁我哋係咪要驚㗎?

豬仔 : 同我捉住佢!

細龍哥 : 救命呀——

(突然一聲巨響之下樓層倒塌, 全部人驚慌失措、四處奔跑)

(燈暗)

(緊急後備照明燈亮起, 四處煙霧瀰漫, 不時還看到斷掉的電線閃出火花)

(一會兒)

**Bell Bell** : 李姑娘, 起身啦! 唔好好死呀, 李姑娘、螢螢姐姐唔好死呀! 應下我啦, 好黑呀, 我好驚驚!

韻婷 : 救命呀 做咩事呀!

阿淇 : 我唔知點解郁唔到呀, 好痛呀!